

JAVNA USTANOVA APOTEKA "ZDRAVLJE" ZENICA
Sarajevska 35
72 000 Zenica

Na osnovu člana 20.a Zakona o radu ("Službene novine Federacije BiH", broj 26/16 i 89/18), člana 4. Uredbe o postupku prijema u radni odnos u javnom sektoru u Zeničko-dobojskom kantonu ("Službene novine ZDK", broj: 8/19 i 19/20), i Prethodne saglasnosti Gradonačelnika Grada Zenica za raspisivanje Javnog oglasa za popunu radnih mjesta, broj: 02-45-11454/22 od dana 25/05/2022. godine, a u skladu sa Pravilnikom o radu Javne ustanove Apoteka "Zdravlje" Zenica i Pravilnikom o postupku prijema u radni odnos u Javnoj ustanovi Apoteka "Zdravlje" Zenica, direktor Javne ustanove Apoteka "Zdravlje" Zenica raspisuje

JAVNI OGLAS
za prijem radnika u radni odnos

I - Radna mjesta za koja se raspisuje javni oglas:

"Magistar farmacije" - 1 (jedan) izvršilac

- Vrsta radnog odnosa: radni odnos na određeno vrijeme, do povratka radnika sa neplaćenog odsustva
- Služba u kojoj se vrši prijem radnika: Ogranak ili Depo ili Galenski laboratorij, kao organizacioni dijelovi J.U. Apoteka "Zdravlje" Zenica
- Osnovna neto plaća: 1.200,19KM
- Mjesto rada: Zenica, a po potrebi poslodavca radnik može biti raspoređen na radno mjesto i van grada Zenica
- Kratki opis poslova: izdaje lijekove na recept i daje upute za njihovu primjenu, radi na zdravstvenom prosvjećivanju pacijenata, taksira i informatički obrađuje recepte za izdate lijekove, vodi knjigu otrova i narkotika, vrši stručno osposobljavanje pripravnika zdravstvene struke i unapređuje stručni rad farmaceutskog tehničara, izrađuje magistralne pripravke od supstanci jakog djelovanja, izrađuje triturate u skladu sa načelima Dobre apotekarske prakse, te u skladu sa svim lokalnim/globalnim smjernicama, informatički obrađuje izdata trebovanja lijekova i ostalog sanitetskog materijala, zamjenjuje rukovodioca apoteke u njegovoj odsutnosti po odluci rukovodioca ili direktora, vrši ostale poslove koje mu naloži rukovodilac.

"Radnik na održavanju čistoće" - 1 (jedan) izvršilac

- Vrsta radnog odnosa: radni odnos na neodređeno vrijeme, uz probni rad u trajanju od 30 dana
- Služba u kojoj se vrši prijem radnika: Ogranak ili Depo ili Galenski laboratorij, kao organizacioni dijelovi J.U. Apoteka "Zdravlje" Zenica.
- Osnovna neto plaća: 543,00KM
- Mjesto rada: Zenica, a po potrebi poslodavca radnik može biti raspoređen na radno mjesto i van grada Zenica
- Kratki opis poslova: održavanje čistoće kancelarije i poslovnih prostora, radnih mantila, iznošenje otpadaka, čišćenje prostora ispred i iza poslovnih prostorija, rezanje papira, zalijevanje cvijeća i kurirski poslovi po potrebi,
- obavlja i druge poslove po naređenju rukovodioca.

II Opći uslovi za zasnivanje radnog odnosa

- da ima navršениh 18 godina života;
- da je državljanin Bosne i Hercegovine;
- da ima opštu zdravstvenu sposobnost i sanitarnu sposobnost za obavljanje radnog mjesta.

III Posebni uslovi za zasnivanje radnog odnosa

Za mjesto magistra farmacije: završen farmaceutski fakultet, 300 ECTS ili više bodova, položen stručni ispit pred nadležnim ministarstvom i posjedovanje licence za samostalan rad izdate od strane nadležne farmaceutske komore.

Za mjesto radnika na održavanju čistoće: završena osnovna škola.

IV Dokumentacija kojom se dokazuje ispunjenost uslova u javnom oglasu

Uz prijavu na Javni oglas koja obavezno sadrži ime i prezime kandidata, kontakt telefon, e-mail kontakt i adresu prebivališta ili boravišta sa kraćom biografijom (CV), sa naznakom za koje se radno mjesto prijavljuju, kandidati dostavljaju sljedeće dokaze o ispunjavanju općih uslova Javnog oglasa:

- uvjerenje o državljanstvu, ne starije od 6 mjeseci - original ili ovjerena kopija,
- izvod iz matične knjige rođenih - original ili ovjerena kopija,
- dokaz o opštoj zdravstvenoj i sanitarnoj sposobnosti za obavljanje radnog mjesta dostavit će naknadno onaj kandidat koji bude izabran kao najuspješniji kandidat, u roku od 15 dana od dana primanja obavijesti o izboru,
- pripadnost borcima i članovima njihovih porodica dokazuje se dostavljanjem relevantnog rješenja o priznatom pravu izdatog od nadležnog organa, u skladu sa rješenjima iz Zakona o dopunskim pravima branilaca i članova njihovih porodica ("Službene novine Zeničko-Dobojskog kantona", broj 1/14)

Dokazi kojim se dokazuje ispunjenost posebnih uslova za zasnivanje radnog odnosa:

Za magistra farmacije:

- diploma o završenom farmaceutskom fakultetu, 300 ECTS ili više bodova ili VII stepen stručne spreme (original ili ovjerena kopija), važeća licenca nadležne farmaceutske komore (original ili ovjerena kopija), uvjerenje o položenom stručnom ispitu izdato od strane nadležnog ministarstva (original ili ovjerena kopija)

Za radnika na održavanju čistoće:

- diploma o završenoj osnovnoj školi (original ili ovjerena kopija)

V Način odabira kandidata

Izbor kandidata za radno mjesto magistra farmacije obaviti će se osnovu razmotrene dostavljene dokumentacije, održanom pismenom stručnom ispitu i usmenim intervjuom. Literatura za stručni ispit: literatura korištena tokom studiranja.

Izbor kandidata za radno mjesto radnika na održavanju čistoće obaviti će se na osnovu razmotrene dostavljene dokumentacije i usmenog intervjua sa kandidatom.

Kandidati će biti pismenim putem obaviješteni o mjestu i vremenu održavanja provjere pismenog ispita, odnosno intervjua.

VI Podnošenje prijave

Javni oglas objavit će se u dnevnim novinama "Avaz", na web stranici J.U. Apoteka "Zdravlje" Zenica, kao i web stranici Grada Zenica. Javni oglas bit će prosljeđen i Službi za zapošljavanje Zeničko-dobojskog kantona.

Kontakt telefon osobe zadužene za davanje dodatnih obavještenja je 032/248-879.

Svi zainteresovani kandidati mogu dostaviti prijave sa potrebnom dokumentacijom u zatvorenoj koverti na protokol J.U. Apoteka "Zdravlje" Zenica (u prostorijama Direkcije Ustanove na adresi Sarajevska 35) ili putem pošte. Na koverti mora biti naznačeno:

JAVNA USTANOVA APOTEKA "ZDRAVLJE" ZENICA
"Prijava na javni oglas za radno mjesto (naznačiti naziv radnog mjesta za koje se podnosi prijava) -
NE OTVARATI!
Sarajevska 35, Zenica

VII Rok za predaju prijava

Oglas ostaje otvoren 8 (osam) dana od dana posljednje objave.

Neuredne, nepotpune i neblagovremene prijave neće se uzeti u razmatranje.

Nakon provedenog postupka, kandidati će pismenim putem biti obaviješteni o rezultatima Javnog oglasa.

Broj: 22-20/2-4577

Datum: 31/05/2022.

DIREKTOR
mr.ph. Mirsada Strika